

建始縣志

道光壬寅仲秋

建始縣志

附雲安口碑

序

古者大司徒掌土地人民之數以達於上下自上
訓誦訓而外逮及州長黨正里宰族師莫不歲有
校登月有稽察吁何誌之詳而官之備歟蓋一邑
之中舉疆域之近遠戶口之盈虛風俗之貞淫奢
儉與夫山川草木蟲魚物類之微一皆燦然臚列
俾觀風者藉以覘政迹之所存守土者因以施救
弊補偏之術是則邑之有志亦政事之卓卓大者
也建邑古屬荒徼元宋以後胥隸土司明季困於

建始縣志

卷之首

序

一

兵燹者復數十年文獻之無徵亦奚足異我
朝蕩平六合

列聖相承禮樂車書通乎萬國方今

文教昌明涵濡浹被建邑彬彬文學無異名區矣而
邑誌猶未備者豈囿於渾噩之習歟抑限於物力
之艱歟夫歷世而下政事文章淑人君子代有傳
人而任聽其湮沒弗彰於邑無色是亦有司之責
也庚子夏余甫蒞是邦首詢邑志僅於李秋圃家
藏獲四十餘篇不著編纂姓氏而其叙次亦缺焉

未詳因於接見紳耆之際悉心延訪續經范君立齋吳子价人陳松岩明經手輯成篇一例補入外此者無聞焉今閱歲餘矣會有梓工流寓茲土鐫板以待謝君茹芝復亟請於余不獲已仍就原文僭加刪潤並見聞所錄隨附刻雕荒蕪之譏知所不免然非敢曰志也抑作邑誌之粉本云爾若夫搜羅宏富潤色鴻篇尤有望於後之博雅者是為叙

皆

建始縣志

卷之首

序

二

道光二十一年辛丑十月下浣知建始縣事光山
袁景暉譔



序文

郡縣之有志也志古也兼志今也我

朝重熙累洽久道化成凡屬山陬海邑政蹟之昭垂
藝文之彪炳忠孝節義之所表見莫不幸際

昇平蒸蒸日上使非秉筆以垂久遠則湮沒者多矣
志顧可少哉余恭膺

簡命視學楚北試施南道經建始邑宰袁君龍溪修縣
志初成問序焉建始本夔州屬邑改隸施南疊嶺
崇岡四面環繞其磅礴鬱積之氣鍾英而毓秀與

建始縣志

卷之首

序文

三

夫一切舊章成憲必有可觀者第舊志無完書其
軼事時見於他說袁君網羅蒐討輯成若干卷分
門別類比事屬詞採訪周而去取當余固喜其信
而有徵而尤嘉袁君之能大異乎俗吏之所為也
夫舉墜修廢守土者責也然視為具文則不欲為
憚於經始則不敢為日從事於簿書錢穀則又不
暇為袁君知必為為必成且速如是上以昭車書
一統之休下足備問俗觀風之選所謂文章報
國者非耶且建始地當孔道為楚蜀咽喉邑雖小難

治與繁劇等袁君甫下車逾年政通人和民賴之
若慈父母則大有造於建始者循良之績正未有
艾也豈特一志之成云乎哉爰不辭而為之序
道光二十一年歲次辛丑嘉平月上澣

欽命國子監司業

上書房行走提督湖北全省學政桐軒朱鳳標撰

建始縣志

卷之首

序文

四

序

夫志何為而作也蓋備輜軒之採上貢天子者也曷志乎爾疆域畫焉山川分焉有戶口以驗生聚有風俗以判貞淫由是而文献彬彬由是而稅賦籍籍人有忠孝節義物有草木蟲魚莫不釐然畢具守其土者不難按冊而稽以施其治之之法志顧可以弗備乎夫作志難而作建始之志則尤難考建始為古巴蠻之地未有君

建始縣志

卷之首序

五

長俱事鬼神乃共擲劍於石穴約能中者奉以為君巴氏子務相迺中之又令各乘土舟於夷水清江約浮者當以為君惟務相獨浮此即所謂廩君也酈道元引袁山松之言謂事傳鴻古難以明徵在後魏時即不可援以為証而況又歷千有餘年乎此作建始之志之所以難也然而洪濛之世漸遠夜郎之習日除歷代之沿革損益其軼時時見於他說自我

朝重熙累洽久道化成改土歸流蒸蒸日上又得
良有司撫輯綏嘉人文蔚起羣推禮義之鄉也
涖斯邑者亦安得默爾而息乎光山袁君捧檄
而為此邑幸治勵官箴勤求民瘼一邑之利害
無不隨時而興除之俗吏之所為不為也復於
簿書鞅掌之餘留心翰墨閱前此抄本舊志惜
其無完書而悵其無善本於是廣為搜羅精以
採擇不憚筆者筆削者削輯成若干卷分門別
類各有所歸炳炳乎成為信志也夫袁君之學
力如此則表君之政績可知矣他日譜入循良
心跡昭著豈僅為一邑觀摩已哉書成屬序於
余爰將修輯之難用心之善以誌緣起云爾是
為序

建始縣志

卷之首序

六

賜同進士出身

誥授中憲大夫署理湖北提刑按察使司荆宜施兵
備道翰林院檢討漢陰溫予異譔

序

志者所以紀事傳軼也凡省郡州縣皆各有志若荒陬僻壤文獻無徵又乏人焉為之網羅散佚攷証覩聞即湮沒無傳施南府屬之建始縣形勢雄鬱民俗簡陋有太古遺風原為川省屬邑自雍正十三年施州改土歸流設立郡縣遂割隸楚省百餘年來與斯民漸摩涵濡於望人之德化又一變至道焉歲庚子余奉

命出守建平適龍溪表君宰斯邑以慈惠為政凡所以振興文教扶持節義者皆見諸實政尤以表章前哲考鏡典

建始縣志

卷首

序

七

型為己任因出所輯縣志示余屬為之序余曰是固守土之責也彼通都大邑其疆域山川田賦學校文物武備無不勒成一書犁然畢具豈列我版圖者以荒僻而聽其泯焉弗彰歟披閱是編取舍精當簡而明約而賅繼自今蒞斯土者皆得循其舊而圖其新知疆輿所由拓風氣所由開將見簡者由樸而歸諸淳陋者化文而不離乎質得山澤雄鬱之氣蒸蒸焉而治益臻於古是固賢尹之素志尤予所樂觀厥成者也是為序

欽命浙江督糧道留署湖北武昌府事顧 椿 譔

序

古之為政者必洞悉於山川之險易風俗之淳漓而後可以物土布利因俗化民而教養興焉周禮職方懷方土訓誦訓之官所由設也施南一郡舊誌以土司自乾隆元年始改土歸流惟建始一邑前屬蜀之夔府素稱邊鄙自立施郡而割以屬焉余於癸卯仲春循例為宜施之行□峽江上已束合舟而櫟過天柱峰入建始界蜒深谷獠崇巘憑高四望萬峰攢簇森然如聚米村落稀疎背絕崖而臨回谿墾土以耕雜植林木民生貧苦

建始縣志

卷之首

序文

又七

風氣淳樸亦若別有所樂利者峙龍溪袁大令來謁於途詢知是邑所隸大抵如斯其劃然中開建都邑成閭卷較股盛□周□僅數里而已詢以志書則前此未有龍溪□創為之今始竣事因得按其山川考其土俗而□齒之衆寡民情之苦樂賦役之煩簡學校之廢興皆可得而稽馬夫為治者莫患乎當繁劇之區則諉為不能遍遇簡樸之地又以為不足為建雖小邑又在深山窮谷之間顧其樸者可驅而農其秀者可勗而士也龍溪甫下車即汲汲於此故吾聞其勤求吏治也開誠布

序

志者識也識其政亦識其志也尚書所載多誓誥語其體未備而麟經則識周以來其言簡其旨遠弗可及矣至史遷而輿圖紀傳風俗禮樂食貨藝文無弗志也非夸也明政理所宜施以為後世法故國有史邑亦有志志即外史也江淹有言脩史之難無出於志鄭樵謂志者憲章所在必老於典故然後能為之苟考之不詳覈之失實言之箴文衡之倒置奚以昭勸戒而為千秋守土者龜鑑耶建始在明籍隸川省夔州乾隆改元始屬

建始縣志

卷之首

序文

八

施南向無邑志僅存抄本一冊所撰人姓氏弗傳亦無序跋龍溪袁公以西陽名孝廉來蒞茲土期年而政行公餘不安於粉本之簡畧慨然有纂脩之志曾與^垣商^垣以迂拙鮮通辭旋即捧檄晉省公乃謀諸邑中士出其才學識哀集今往以成其書其壻卯川張茂才手錄之計必綜一邑之山川土田學校人材風俗政治有關於國計民生之遠且大者輯以傳信而一切摭拾蕪辭概刪不錄固不類於海棗不實玉卮無當徒為解頤撫掌之口也可知差竣旋建而志已編次成帙付之棗

公仁心為質於民則恤之如慈母於士則誨之如嚴師
勸農興學百計籌畫昕夕不遑士民亦皆諒其誠心於
興廢舉墜之事皆踴躍從事焉是書之成亦其一斑也
異日者巫峽夜郎之間葦路藍縷之俗黍翁鬱婦樂其
室家恤苾磨圭烝我髦士甘棠之愛徧及乎山林去思
之碑分鐫於巘谷綜厥治績光茲史編俾採風者於循
吏中首屈一指焉龍溪勉乎哉

賜進士出身湖北分巡荆宜施道章邱李廷榮撰

黎從垣索序垣因之重有感焉建邑界連巴蜀處重巒
疊嶂間垣維曩昔李邑侯之練兵禦寇諸土蠻之聞而
胆寒者也左司牧之鳩工扈農我建人之感而泣下者
也迄今復隸建平百餘年矣向之尹是邑豈無一二賢
茂宰才擅三長學通五始可以躬膺筆削善因其所創
者然或以人文未啟曠土鮮開民之利未興也則思所
以培植之而不暇脩或以強暴鯨吞盜賊蜂起民之害
未除也則思所以整頓之而不及脩抑或寒士起家為
吏撫茲斗大城外而民貧地瘠內而茹蘖飲冰而牒訴

建始縣志

卷之首

序文

九

既見其倥偬供帳復滋其繁擾則百憂攪心一官掣肘
雖欲脩之其何能脩以他所不暇脩不及脩不能脩者
公當盤根錯節時獨毅然任之竟成一邑完書噫嘻豈
不賢哉昔令尹子文舊政告新孔子以為忠朱晦翁守
南康下車首問郡志君子謂儒者為治能知所重類如
此公今能與古人侔烈噫嘻豈不賢哉或曰公史才也
出而為吏非其志也是志也斯其志也或曰公非百里
才也溫文爾雅見一斑焉是志也即其政也之二說者
垣將於公乎必之他日入直承明更以其良史才佐

聖天子珥筆 丹墀採訪格言必有諤諤匪躬之節雖班焉
何讓也於斯舉先之矣垣 濫竽司鐸適逢其會亦與有
末光焉是為序

峇道光二十二年歲次壬寅

揀選知縣教諭銜管訓導事建始縣訓導齊安嚴垣拜撰

凡例

- 一 邑誌原本不著編纂姓氏亦無叙文閱稿中事變所載係前令武公怡記述又續稿數篇係秦公燄述又閱范泉麓學博傳載纂修邑誌是則邑誌稿本或出於數公之手故特表而出之
- 一 舊誌無圖茲將闔邑金景暨城池衙署
- 武文 廟各神祠宇一併繪圖□□篇首以便醒目
- 一 忠孝節烈據邑人公□化有實事者雖未經題奏亦併列入

建始縣志

卷之首

凡例

十一

- 一 捐施義田歸入書院捐立杜學暨建修考棚修建橋梁或甫報開工或工已告竣或已成復圯有關風化者其叙文一例纂入
- 一 山川風物歷覽所經足為表誌確有聞見者一併纂入
- 一 戶口舊誌未詳茲照糧冊纂入
- 一 藝文照舊本抄謄外續經採輯者加續添二字以別之
- 一 卷中綱目篇首各有小叙原文未備僭加贈□

係屬舊稿則註原文以別之

建始縣志

卷之首

凡例

十二

卷之首

叙文 凡例 目錄 繪圖 沿革 古蹟

卷之一

星野志 山川 勝蹟 方輿 形勝

建置志 城池 衙署 倉庫 社倉 關梁 坊市

學校志 學額 學田 義田

卷之二

祀典志 壇廟 儀注 禮文

卷之三

建始縣志 卷首 目錄

戶口志 田賦 風俗 物產

食貨志 祭銀 俸工 工役 廩膳 蠲恤 鹽引

武備志 塘汛 舖遞 寺觀 事變

名宦志 知縣 訓導

人物志 文學 武功 孝友 鄉賢 行誼

官師志 文職 武職

選舉志 進士 舉人 貢生 議叙 義勇 貞節

卷之四


藝文志 文 叙 記 詩 賦 雲安口碑附




建始縣圖

卷之首

四






建始縣圖


卷之首

五




建始縣
方輿圖






建始志圖

卷之首







建始縣志圖

卷之首


十七






建始縣志圖

卷之首





十七



建始縣圖


卷之首






建始縣圖

卷之首






建始縣圖

卷之首

二十

黃光宅社學田道路圖




建始縣圖

卷之首

一一一

黃中理社學田道路圖



建始縣志卷之首

知建始縣事袁景暉纂修

沿革志

登山者必觀其始臨流者貴溯其源數典忘祖君子譏焉况邑乘之紀歟建邑雖僻處偏徼古比列侯自唐虞三代以迄於茲數千餘歲矣其沿革興廢烏可畧焉弗講耶茲謹就府志舊稿臚列篇首若夫旁搜遠攬益資考證是有望於好古者誌沿革而古蹟附焉

建始縣志

卷之首

沿革

廿二

沿革表

上古属廩君國

唐虞

商夏

荆梁二州之域

周属夔子國

戰國

秦楚

属巫郡

秦属黔中郡

漢属南郡

三國只属建平郡

晉置建始縣

晉書地理志太康元年建平郡統縣八建始其一建始當係晉初所置

宋建始

梁建始

後周

建德三年改業州開皇初郡廢五年置縣大業初州廢

唐

義寧二年復置業州貞觀八年州廢

宋建始属夔州路

元因之

明建始属施州衛

國朝

順治康熙雍正建始属夔州府

乾隆元年改施州衛為施南府建始隸焉

古蹟

宋詹狀元

邈

故里在縣北二十五里俗呼銅鑼壩

宋黃庭堅謫涪號涪翁嘗遊石通洞內鐫涪翁二字

寶塔在縣東南五里相傳宋時建

天池在天池寺

即朝陽觀

後冬夏不涸僧人藉以灌溉稻田

石曼橋即石門橋兩岸懸崖下臨絕澗相傳仙人所造

祿山在縣東二十里山多鳥獸昔崙蠻恃以為廩祿因名

州基山在縣東南三十里隋置業州於此今呼棉花壩

建始縣志卷之首

古蹟

二三

一說建始舊城在松樹坪今觀其上遺址約畧猶存他無考證